

Na osnovu člana 21. Zakona o kretanju i boravku stranaca i azilu ("Službeni glasnik BiH", broj 36/08) i člana 17. Zakona o Vijeću ministara Bosne i Hercegovine ("Službeni glasnik BiH", broj 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na 62. sjednici, održanoj 23. oktobra 2008. godine, donijelo je

ODLUKU

O VIZAMA

Član 1.

Ovom Odlukom propisuju se izuzeća od obaveze pribavljanja viza, vizni režim Bosne i Hercegovine i određuju se države čiji građani mogu ući u Bosnu i Hercegovinu koristeći se dokumentom koji nije pasoš.

Član 2.

Izuzimaju se od obaveze pribavljanja viza za ulazak i boravak na teritoriju Bosne i Hercegovine do 90 (devedeset) dana stranci koji su državljani sljedećih država:

1. Andora
2. Argentina
3. Australija
4. Austrija
5. Belgija
6. Brazil
7. Brunei Darussalam
8. Bugarska
9. Crna Gora
10. Češka Republika
11. Čile
12. Danska
13. Estonija
14. Finska
15. Francuska
16. Grčka

17. Gvatemala
18. Honduras
19. Hrvatska
20. Irska
21. Island
22. Izrael
23. Italija
24. Japan
25. Kostarika
26. Koreja Republika
27. Kanada
28. Katar
29. Kipar
30. Kuvajt
31. Letonija
32. Lihtenštajn
33. Litvanija
34. Luksemburg
35. Mađarska
36. Makedonija
37. Malezija
38. Malta
39. Malteški red
40. Meksiko
41. Monako

42. Nikaragva
43. Nizozemska
44. Njemačka
45. Norveška
46. Novi Zeland
47. Panama
48. Paragvaj
49. Poljska
50. Portugal
51. Rumunija
52. Sjedinjene Američke Države
53. Salvador
54. San Marino
55. Singapur
56. Slovačka
57. Slovenija
58. Sveta Stolica
59. Srbija
60. Španija
61. Švedska
62. Švicarska Konfederacija
63. Turska
64. Ujedinjeno Kraljevstvo Velike Britanije i Sjeverne Irske
65. Urugvaj
66. Venecuela

Nezahtijevanje vize odnosi se i na nosioce putnih isprava izdatih u posebnim upravnim područjima:

1. Hong Kong (Narodne Republike Kine)
2. Makao (Narodne Republike Kine)

Član 3.

Za strance koji nisu državljani, odnosno nosici putnih isprava izdatih u državama i posebnim upravnim područjima navedenim u članu 2. ove Odluke.

Nosioci sljedećih posebnih vrsta putnih isprava i s njima izjednačenih putnih dokumenata dužni su pribaviti vize za ulazak na teritoriju Bosne i Hercegovine:

- putne isprave za izbjeglice koje izdaju države potpisnice Ženevske konvencije o statusu izbjeglica od 28. jula 1951. godine,
- putne isprave za osobe bez državljanstva koje izdaju države potpisnice Ženevske konvencije o pravnom položaju osoba bez državljanstva, od 28. septembra 1954. godine,
- putne isprave za strance.

Zahtijevanje viza odnosi se i na nosioce putnih isprava izdatih od strane Privremene uprave Ujedinjenih naroda na Kosovu (UNUMIK) i putnih isprava izdatih u sljedećim područjima:

- Palestinska Samouprava
- Tajvan, Narodna Republika Kina

Član 4.

Izuzetno od odredbi člana 3. ove Odluke, osim ako nije drugačije određeno međunarodnim ugovorom, izuzimaju se od viznog režima za ulazak i boravak na teritoriju Bosne i Hercegovine do 90 (devedeset) dana nosioци diplomatskih i službenih pasoša sljedećih država:

1. Albanija
2. Bahrein
3. Egipat
4. Iran
5. Jordan
6. Kina
7. Kuba
8. Oman
9. Pakistan
10. Ruska Federacija

11. Saudijska Arabija
12. Tunis
13. Ujedinjeni Arapski Emirati
14. Ukrajina

Član 5.

Izuzetno od odredbi člana 3. ove Odluke, izuzimaju se od viznog režima za ulazak i boravak na teritoriji Bosne i Hercegovine do 90 (devedeset) dana nosioci poslovno-običnih pasoša sljedećih država:

1. Narodna Republika Kina

Član 6.

Izuzetno od odredbi člana 3. ove Odluke, izuzimaju se od viznog režima za ulazak na teritoriju i boravak na teritoriji Bosne i Hercegovine do 90 (devedeset) dana nosioci specijalnih pasoša sljedećih država:

1. Egipat

Član 7.

Izuzetno od odredbi člana 3. ove Odluke nosioci važećih diplomatskih, službenih ili običnih pasoša, koji su akreditovani pri Diplomatskom protokolu Ministarstva vanjskih poslova Bosne i Hercegovine i kojima je izdana posebna osobna iskaznica, ne trebaju vizu za ulazak na teritoriju Bosne i Hercegovine.

Član 8.

Izuzetno od odredbi člana 3. ove Odluke državljani Ruske Federacije, nosioci običnih pasoša, ne trebaju vizu za ulazak i boravak na teritoriji Bosne i Hercegovine do 30 (trideset) dana, ako posjeduju:

- ovjereno pozivno pismo fizičke ili pravne osobe,
- ugovor o pružanju turističkih usluga (vaučer o uplaćenom turističkom aranžmanu)

Član 9.

Izuzetno od odredbi člana 3. ove Odluke, nosioci vaeće putne isprave za izbjeglice ili putne isprave za osobe bez državljanstva, izdane u:

- državama članicama Evropske unije
- državama potpisnicama Šengenskog sporazuma
- Andori, Lihtenštajnu, Monaku, San Marinu, Sjedinjenim Američkim Državama, Svetoj Stolici i Švicarskoj Konfederaciji

ne trebaju vizu za ulazak i boravak na teritoriji Bosne i Hercegovine do 90 (devedeset) dana.

Član 10.

Izuzetno od odredbi člana 3. ove Odluke, nosioci važeće putne isprave za strance izdane u:

- državama članicama Evropske unije
- državama potpisnicama Šengenskog sporazuma
- Andori, Lihtenštajnu, Monaku, San Marinu, Sjedinjenim Američkim Državama, Svetoj Stolici i Švicarskoj Konfederaciji

ne trebaju vizu za ulazak i boravak na teritoriji Bosne i Hercegovine do 90 (devedeset) dana, ako se nosioci omogućuje povratak u državu koja je izdala putnu ispravu.

Član 11.

Nosioci posebnih putnih isprava što ih izdaju Ujedinjeni narodi, odnosno specijalizirane ustanove Ujedinjenih naroda (Laissez-Passer) ne trebaju vizu za ulazak i boravak na teritoriji Bosne i Hercegovine do 90 (devedeset) dana.

Član 12.

Državljeni slijedećih država mogu ući u Bosnu i Hercegovinu, osim s putnom ispravom i s valjanom ličnom kartom kojom se dokazuje identitet i državljanstvo:

- države članice Evropske unije
- države potpisnice Šengenskog sporazuma
- Andora, *Crna Gora*, *Hrvatska*, Lihtenštajn, Monako, San Marino, *Srbija*, Sveta Stolica i Švicarska Konfederacija

Član 13.

Stupanjem na snagu ove Odluke prestaje da važi Odluka o određivanju zemalja čiji su državljani izuzeti od viznog režima prilikom ulaska, izlaska ili prelaska preko teritorije Bosne i Hercegovine ("Službeni glasnik BiH", br. 31/01, 33/01, 30/02, 10/03, 41/04, 57/05 i 8/08) i Odluka o priznavanju lične karte državljana potpisnica Šengenskog sporazuma i zemalja Evropske Unije za pasoš prilikom ulaska, izlaska ili prelaska preko teritorije Bosne i Hercegovine ("Službeni glasnik BiH", broj 4/03).

Član 14.

Odluka stupa na snagu osmog dana objavljivanja u "Službenom glasniku BiH".

VM broj 196/08
23. oktobra 2008. godine
Sarajevo

Predsjedavajući
Vijeća ministara BiH
dr. **Nikola Špirić**, s. r.
